


寇忠愍公詩集全



寇忠愍公詩集序

金紫光祿大夫行尚書戶部侍郎知河陽軍州事上柱國范雍述



混沌之始判而異焉騰為輕清降作重濁著之顯者從其類矣是故三辰晶明委照萬寓風雲縹緲周流八極附於天也培塿成垤因之原隰潢汙積派隨其窪窳從其地也其間萬物悉由稟焉若稟之清者飛則為鸞鳳鷗鷖走則為騏驎駟駁茂則為芝蘭菹芷植則為松桂筠篁引而伸之不可勝數人為物之靈也是以得乎輕清則為賢為聖為

明為哲為君仁而睿為臣正而肅為父慈而溫為
子恭而順發為事業則惠愛同濟聰敏銳慤形於
文章則典切淵奧鴻博嚴正斯蓋出乎異稟忠愍
公所謂輕清之降靈焉其鍾體質也溫粹莊厲和
氣襲物其立臣節也端亮平直英風可尚其施政
教也寬簡明裕視民如傷其為文章也優贍微婉
屬意綿密尤工於詩曲盡風雅藻思宏遠峻格高
遠因興發詠必根於理得騷人之旨趣焉故所成
篇詠膾炙衆口傳寫寶秘恨不多得鴻筆與學靡

不欽嘆故樞相文康即公之壻實有道之士焉志
公之墓序初知巴東曰詩家者流目為寇巴東以
方前代羅江東趙渭南也錄公警策之篇若遠水
無人渡孤舟盡日橫到海只十里過山應萬重此詩
二全等句又謂公之為詩必本風騷之旨而以感
傷為主嘗謂江南春二絕其一曰波渺渺柳依依
孤村芳草遠斜日杏花飛江南春盡離腸斷蘋滿
汀洲人未歸其二曰杳杳烟波隔千里白蘋香散
東風起日落汀洲一望時愁情不斷如春水人曰

少貴無不足者其攄詞綺靡可也氣焰可也惟不
當含悽爾今而思之廼莫年遷謫流落不歸之意
詩人感物固非偶然時以為文康公之知言也大
約公之為詩多有此意又如聞杜宇云曾為深冤
無處雪長年江上哭青春平林雨歇殘陽后愁殺
天涯去國人此非先詠南行之事乎公平昔酷愛
王右丞韋蘇州詩吟詠斯則過矣雍項為公倅常
從遊燕多聞其得意之句情思閑雅聽之忘倦隨
錄簡牘才數十篇今守三城會監軍趙侯臨即公

之中表也日與遊接時道公詩因請於公家盡錄
昔所存紀二百餘篇并前之所錄不在此數者及
謫官後趙公所記共二百四十首類而第之分為
上中下三卷其餘流落無復求購懼歲久磨滅因
序以成編此第言公之詩若大節賢行則有追謚
詔旨存焉亦錄於集首俾開卷者不獨仰騷雅之
道爾

寇忠愍公詩集序

道州介乎湖南廣西之兩間江山迴合秀潤所鍾
風俗淳厚其民尊賢樂善為兩路甲自昔聞人如
陽亢宗元次山呂溫薛伯高等相繼為州刺史邦
人榮之經數百年至今祠事不忘也次山嘗節度
荆南又經畧容管等八州矣然世必曰元道州而
獨道州祠堂在焉丞相萊國公以元勲大德厯事
太宗真宗二帝膏澤滲漉衣被天下方其盛時出
入將相雄藩鉅鎮分閫授節濟民利物隨在周治

莫年遷謫始至道州其在道州也躊躇退縮卷而藏之固無向時之施設也然百餘年間求其遺跡而諸鎮之客館皆丘墟矣唯道州有寇公樓尚繪公像事之豈非尊賢樂善之俗然乎宣和壬寅次翁受命假手既至拜公像凜凜若見其人方且朝夕磨勵取公師法施之郡政顧樓久不葺廼命工易榱桷之腐朽者完甃砌之頽闕者飾聖履之漫漶者既煥然一新矣又得公詩三卷凡二百四十四篇為校正其訛錯鏤板傳久且公之事業焜燿竹

帛與日月爭光非待詩而後傳也蓋以慰邦人無窮之思而公麼赳赳亦庶幾託公詩以不朽乎宣和五年十二月朔濟南王次翁序

寇忠愍公詩集序

萊公兩朝大臣勲業之盛掀天揭地人皆知有其名而往往或不知有其詩何也蓋勲業有以揜之也伊尹之訓周公之誥著在方冊表裏典謨而自古及今論文者必曰孔孟而不曰伊周蓋伊周之可稱在於興商輔周訓誥之作不足道也公清才雅冠絕一世播於篇什平淡淳正得風雅之體自其少年從仕以至立朝退處歡愉迄樂激烈憤惋無不並見於詩太原范伯純始收錄篇什分為三

卷春陵得之尤其後也蓋公晚年遷謫嘗至春陵
邦人思慕不忘由是建樓畫像以崇朝夕然而詩
篇之傳家百不一焉逮宣和間王公次翁來茲曳
組景仰前修因取舊集刊版以傳士夫鼓舞以相
夸詫而春陵景物由是增輝矣近時楊守惇亦即
舊板重加刊治至此未幾而字之漫滅者復且過
半數適茲承之政事之餘取而閱之深恐侵以失
真復命校正鳩工一新焉昔白居易謂劉禹錫之
詩在處應有神物護持禹錫一文人徒以句韻之

工識者竒之尚且如此况公文章所在當如何哉
吾又知自有不可得而漫滅者存焉爾隆興改元
七月 日長樂辛敬書

卷之四十五 贈諡誥 七 鈔校書籍

贈諡誥

勅夫狗義保躬賢哲罕兼其致原心觀行褒沮得
伸其公惟節惠之舊章實經世之明勸不有正議
孰旌遺烈故開府儀同三司太子太傅上柱國萊
國公寇準器質莊重風猷簡貴感會先聖綢繆上
司明心若丹直道如矢逮余主喪之日實乃秉鈞
之秋圖惟協恭罔有二事邁盜言之噂沓挾危法
以中傷白璧易汚貝錦難辨再罹遐謫遂及云亡
終悲寒露之歸徒軫幽泉之痛間雖遊仲澄雪追

寇忠愍公諡告 知聖道齋

賁寵嘉而誅功易名尚闕恩禮沈謀秘畫淪於疑
論逝者莫愬朕甚憫之謚法有危身奉上曰忠佐
國遭憂曰愬合是休典慰其熒魂宜特賜謚曰忠
愬

寇忠愬公旌忠之碑

叅知政事孫抃奉

勅

上祀合宮之明年夏四月召兩府臣諭之曰故太
子太傅萊國公寇準方嚴鯁亮有文武偉才在
太宗真宗朝建大功立大節輸謀納忠誠貫白日
不幸以譴終朕甚嘆嘉之其勅史氏誤揚勲烈具
志於石用垂示來世遂以命臣抃翌日又下詔賜
旌忠之額且親篆以賁寵焉臣承命恐悖謹拜首

稽首書其事公諱準字平仲其先出上谷昌平蓋
春秋時司寇蘇公有勞於王室因官以命氏後世
率多聞人若東漢恂子翌漕河內破蘇茂畫像雲
臺為中興勲臣曾孫侍中榮以辨繁止匿宗黨潛
散他土故謀謀亡傳又數世有徙居馮翊者籍於
三峯下遂為華下邳人曾祖賓祖延良以唐末亂
不仕父湘博古嗜學有文章名晉開運中登甲科
冠多士後應辟為魏王記室終焉知人者惜之以
公貴封燕陳晉三國公贈官至太師尚書令曾祖

母白氏祖母鄭氏母趙氏封許陳曹三國太夫人
準始生風骨峻爽與常童不類及從師入學校趨
隅占對毅然有成人之風采既冠讀左氏公羊穀
梁傳不俟誦說不循注疏三家異同之說輒援筆
剖析以辨明之辭道理正沛若大手先儒老生曰
是真所謂宿習者年十九一舉擢進士第解褐授
大理評事知歸州巴東縣時太平興國五年也後
三歲補大名府成安軍三遷殿中丞調兵食於西
夏還差通判鄆州得召見稱旨遂給劄試禁中授

右正言分直東觀中謝日賜緋袍銀魚罷汶上之
命克三司度支推官俄轉益鉞蜀司判官公事會
詔百官邊事準極疏利病天子罷之擢署尚書虞
部郎中克樞密直學士賜金紫判吏部東銓未幾
丁曹國太夫人憂有詔權奪不得已起視事淳化
改元授左諫議大夫克樞密副使尋改同知樞密
院事封上谷縣開國男是年十月領青州明年九
月召赴闕守本官叅知政事中進封上谷郡開國
侯至道二年閏七月知鄧州真宗皇帝嗣位遷尚

書工部侍郎咸平元年五月移河陽軍二年八月
改同州三年夏朝京師行次闕鄉就授鳳翔府五
年五月詔詣行在轉刑曹權知開封府六年六月
遷兵部克三司使進封開國公時始復益鐵度支
戶部為一使景德六年特授守本官同中書門下
平章集賢殿大學士二年十一月加中書侍郎兼
工部尚書三年二月罷相進刑部尚書知陝府祥
符初扈從東封回遷戶部尚書知天雄軍四年四
月改兵部尚書車駕幸亳權東京留守六月遷檢

校太尉同中書門下平章事克樞密使八年四月
罷機務授同中書門下平章事持節鄧州諸軍事
行鄧州刺史克武勝軍節度鄧州管内觀察處置
使知河南府兼西京留守司移判永興軍天禧元
年二月換節襄州三年四月詔赴京六月特授行
中書侍郎兼吏部尚書同中書門下平章事克景
靈宮使集賢殿大學士十二月改尚書右僕射四
年六月罷相授太子太傅進封萊國公九月降授
太常卿知相州八月移守安州途次棗陽貶道州

司馬乾興元年二月再貶雷州司戶參軍準疏通
博裕果敢沈毅能斷大務不循細檢喜風幹善議
論與人無城府接物無崖畔顧大義可為者必奮
厲翔躍以身先之其勇若賁獲至於外險中艱斬
然涯垠亦坦坦無退衄意聞一善薦道推輓不進
用不已附離苟合者疾之如仇讐初補吏治二邑
推至信部中會期賦役止計鄉里姓名諭寺門民
赴之無毫髮稽遲者本道論薦至有以魯恭卓茂
為比嘗奏事真宗言切直上怒起準以手攀帝衣

復御座持議益勁固神色瞭然事既決乃退上曰
此真將相才吾得之若唐文皇倚魏鄭公爾歲大
早上問政關失準對曰在洪範天人之際若影響
是固刑有所不平爾祖吉王維皆陛下朝臣頃曲
法受財各仗萬計吉伏誅家具籍沒維止校於私
室仍領濠之定遠簿蓋叅知政事沔同母弟也陛
下重輕如是亢燠之咎殆天所以誠告上嗟悟者
久之咸平景德中契丹頻歲犯塞多縱遊騎剽掠
小不利即引去偽徜徉無闔意準曰是狃我也願

朝廷練帥領簡驍銳分據要害地以捕之是冬果
大舉舉國來寇越瓦橋攻高陵直抵於澶魏將飲
馬河孺真宗憂之召羣臣議或曰寇深入矣宜戒
嚴京城益重兵守衛或有西南之幸準止之曰淺
議方今聖德明備上合天心將臣協恭和叅講師律
若帝馭順動一舉而北彼黨類自當遁走設未然
則出兵以撓其謀堅守以老其衆顧主客勞逸之
狀我得勝美必矣上悅於是大駕北征至澶南城
中外獻言願駐驛以觀形勢準曰不遇河則人心

和

未寧虜氣未懾非所以取威決勝也且王超領勁
兵屯中山以扼其亢李繼隆石保吉以大兵扼其
左右肘四方征鎮赴援日至何慮而不進固爭之
連頓首於上前意氣詞語憤然感慨是日幸北寨
御北樓觀視營壁撫勞部伍軍民歡叶自近及遠
聲振於數郡虜相視怖駭不能成列俄而勁弓伏
發殄其元帥因密奉書以請盟朝廷始遣曹利用
往成之御史缺準取沈毅敢言士塞詔同列者不
悅屢白吏持例文進準曰宰相所以器百官今用

例則所謂進賢退不肖乃虛語耳命去之故士擢
用在準持衡時得人為多先帝倦庶政丁謂曲奸
迎合結權幸以用事準請問便殿數其姓名曰某
與某皆壬人異時不可輔少主願更擇方亮大臣
為羽翼矧皇太子睿德天縱英叡日茂延師傅議
經史默識古今成敗事見臣僚決機務周知天下
安危計雖周之成漢之昭殆難以擬議陛下胡不
協天人之係望講宗社之正謀引登大明敷照重
霄固祖宗萬世之基本言訖俯伏鳴嘯議未下明

日黨人以急變聞飛語密中準準坐此得罪既行
過零陵踰大陂護兵從騎先後不屬溪夷乘間鈔
掠而去已而酋長召告之曰聞寇準在道若等柰
何竊賢相行索神明其祐若乎趨遣種人持所掠
還準伏道下引罪且拜公慰遣之至南海朝謁從
事如常時謂其子曰守法奉正士人常操以窮通
成敗易之者非吾意先是署東偏屋凡數楹陋不
庇風雨準完基訪材構為層樓置几榻其間經史
老莊及天竺書環列前後暇或看誦之賓至則憑

高瞰虛笑語燕燕若初無廊廟之貴者嶠南山水
峻絕其道路往往斬崖瀕澗曲折高下馬不能平
進郡縣官有伐竹為輿以送準者準謝曰吾罪
人騎馬足矣冒炎溽捫險阻日行百里左右為之
泣下準昂然無隕獲容色其度量過人如此及雷
陽吏以圖獻閱視之首載郡東南門抵海岬凡十
里準恍然悟曰吾少時有到海祇十里過山應萬
重之句迺今日意爾人生得喪豈偶然耶自是色
空夢幻深詣諦法危坐終日寂無他營天聖元年

閏九月移授銀青光祿大夫檢校國子祭酒行衛
州司馬是月七日以疾終於貶所年六十三嗚呼
非常之功遇非常之器業然後成不世之節持不
世之忠賢然後立且準初繇計府入輔屬三聖紹
統四隅和晏上方講稽儒術尊右文教以成太平
之形容敵人睚眦出我不意衆號百萬北方騷然
文紳武綏策慮倒置準抗難犯之色建不拔之議
天威煇揚霆激而雷掣大患鋪廸春熙而日融民
焉息肩士也卷甲憬彼氛祲凝為至和逮今三紀

矣而羽書不馳烽燧不舉義信惇結古無與隣準
之功馬伏波周尚父之功矣洎自秦川再相時闇
閭親政猶檢當路恟恟中外靡遑底寧準密圖本
元深遏萌漸殺氣一吐形於謨明排邪斥疑瀆死
不顧聞準之風者心魄駭視而後知大正不可干
大奸不可肆大名不可取大器不可窺佞夫忠懦
夫有立志及真皇棄天下倖黨斂手畏伏忠義兩
宮坐朝庶政平一輔翊慈惠卒隆寶圖準之節霍
子孟狄梁公之節矣準篤志於學而晉公亾歲時

祠祀感激涕淚泣然若孺慕者終其身不易在成
安兄弟以下葬為請準曰未也父為士子為大夫
葬則士祭則大夫吾先人以文學中高第卒事王
藩若追贈未逮則陪臣矣吾豈忍以士禮葬既通
顯乃護二喪還成安太子遣中貴人勉諭賙恤恩
數等喻大為縉紳榮初丁嗟貳政以諛冒自任又能
陽為戚施伺人顏色密圖忌間之漸一日會食政
事堂薰滙準鬚謂起以袖徐拂之準正色曰公忝
國大臣乃曲躬為官拂鬚耶謂大愧其後邪正寢

戾甚於冰炭簧言營營日肆媒孽準簡固醇挺未
始一疑於心故及南遷之難至今天下皆寃之無
幾何謂敗得竄道由海康準從者有欲禔憾謀不
利於謂準知之陳大席一廡間設戲具悉召坐且
命之博奕因隱几觀焉聞謂行乃罷平生著述於
章疏尤工國政民事亡巨細均校利害為上悉陳
之其自粹其言簡故多所開益餘橐都焚滅棄去
雖至戚不得見好為詩警策清悟有劉夢得元微
之風格其氣詭竒拔則又過之準起諸生兩朝內

外更委幾四十載其間較評詮選摠決浩穰主財
利之煩膺居留之重助敷密畫叅告大猷剖符十
藩持節二鎮一踐樞弼再登宰輔小則糾逖逋隱
刷除弊欺嚴之以闡防正之以繩墨差立定格字
不可踰大則鼓動賢業彌綸帝載朝家系之休戚
政教關之治亂表正四海斷焉一德凡累封戶萬
二百真二千七百爵上公階勲拯品功臣始賜推
忠佐理加推誠報德宗仁忠亮翊戴人臣之遇其
亦至矣然而不置私第不營田園所得俸賜皆分

給宗黨故舊去之日家無餘資及朝廷許葬洛師
獲還之費僅能完結給久之詔復舊官賜謚曰忠愍
公前許氏故給事中仲宣之女不及準而亡再娶
宋氏故左衛上將軍邢公延渥之女封晉國夫人
準無子以弟之子隨為後隨劾介有履行終於殿
中丞女四人長適樞密使尚書吏部侍郎同中書
門下平章事王曙次適太府卿畢慶長次又為畢
氏繼室次適司封員外郎直史館張子舉孫四人
長謹贊善大夫次誦誠並大理評事論未仕君子

謂公慮已也輕以約謀國也勇而固義在則死不
足畏義止則生不足惜勢無以移其操利無以疚
其心出處始終乎合大正昔之垂勲名載簡編者
有幾宜乎沒世三十年而完天子思之生民懷之
搢紳景行之古風穆然炳炳如在詩曰樂之君子
邦家之基準之謂也銘曰太宗膺圖章聖御極丕
昭武經誕布文德準起孤童遂階貴籍歷事兩朝
薦釐庶職剛嚴俊明篤厚正直非義不蹈非忠不
迪開補治具桓桓智力指陳機宜侃侃容色遠人

猖狂入犯王域蟻結魏南狼跳燕北準抗一言羣
類惕息天嗣繼照閭慈叅翊猜萌梅險佞間投隙
準矢一謀姦人踏蹴晏晏萬務愉愉四國如石之
堅我社我稷如山之安我疆我場亮節高時諛言
衆惑勞既不圖咎從而得風濤莫涉瘴嶺晨陟氣
陵飛雲誠貫白日至於隕世曾靡憂戚道無久否
帝用近惜申詔在庭俾書其實海田變更陵谷遷
準之大名時萬時億

寇忠愍公詩集卷上

開府儀同三司太子太傅中書令上柱國萊國公寇準著
奉和御製中秋翫月歌

戒井銅龍漏水平
玉輪初滿物華清
光連南極星輝正
影泛中天帝宇明
風來蘋末披輕霧
香濕蘭叢
泥零露絳河橫
度燦雲章靈鵲羣
飛遠宮樹法久照
兮慶昌時樂芳宴
兮忘疲敷睿文兮玩澄景
當嚴更兮漸永九門秘
邃啟堯宸霽霽金波矚目
頻進牘豈能抽鄙思
賡歌深預朝倫

奉聖旨賦牡丹花 時正言直館

栽培終得近天家，獨有芳名出衆花。
香遞暖風飄御座，葉籠輕靄襯明霞。
縱吟宜把紅綵，裝留賞惟將翠幄遮。
深覺侍臣千載幸，許隨仙仗看穠華。

奉和御製南郊禮成

薦降靈符昭瑞命，交脩盛則薦清衷。
朝真曲里揚丕烈，類帝圓壇報昊穹。
迷職萬咸執玉來，庭異域協占風。
禹功高大天無極，堯德明如日正中。
福浸含生臻富壽，澤流綿宇霈龐鴻。
樂成豐潔神皆饗。

金石和平政本通，鬱鬱雲烟當畫麗。
熙熙景物共春融，羣臣抃蹈瞻宸扆。
願比南山祝壽躬。

奉和御製真遊殿上梁

敦崇妙本膺丕貺，濬發鴻源示永年。
吉語密傳當乙夜，粹儀祇覲擁祥烟。
皇心翼翼精齋至，祖德綿綿道誨宣。
誕集純禧彰錫羨，交修茂典表欽先。
爰稽大壯新瓊宇，仰法殊庭設綺筵。
山積瓌材咸備矣，神扶華棟見巍然。
元龜獻兆良辰協，哲匠施勤庶藝全。
四柱如暈循寶勢，孤凌削玉燦珠躔。
黼帷

夙設宸居麗翠葆躬臨聖志虔昭荅明靈陳盛會
睿詞敷暢煥雲牋

奉和御製郊外觀稼

天苑清塵宿雨收翠華觀稼慶盈疇氣和玉燭成
豐歲露冷金莖凜素秋日麗鮮原平杳香烟含嘉
穀鬱油油共知省歛敦農事信史騰芳紀勝遊

瑞慶園觀稼奉聖旨次韻

善苗棲畝昭靈貺禁苑鳴鑿素秋歛籍神倉符禮
本采詩良耜慶農收宴開雲幄皇慈洽日駐天衢

睿賞留千載逢辰增嶽抃清塵叨從屬車遊

應制賞花

上苑經春雨宸遊屬盛時花光籠寶檻柳色暗龍
池潏灑雕觴滿融和暖日遲共歌成至樂千載播
聲詩

應制太清樓觀書

仙禁開書府神毫紀格言簡編色舜禹圖範總乾
坤稽古崇邦教斯文闢聖門從遊觀奧秘何以報
宸恩

御製乃春儲闈方崇學術錫羣書於冊府勵
至業於承華日命近班同觀盛事七言十
韻詩一首奉聖旨次韻

景命昭彰宥德基元儲敦裕協祥期寢門幼至嘗
無怠學肆多聞詎有疑金玉騰音鏘睿律簡編申
錫振良規河圖奧秘言誠訓藝圃優柔善益資玉
宇風清傳密詔蓬山雲委錫芳蕤天顏不遠回宸
眷向味都忘聽寶辭燕翼詒謀欣教盛上庠隆道
慶才竒叨逢華旦居黃閣久侍宣遊近赤墀恩厚

薦承三畫接力微寧致百工熙東闈疏問英猷遠
聖慮乾乾更念茲

御製慶元后升祔禮成七言六韻奉和

天錫靈符興寶祚澤流綿宇福含生蒸蒸日上孝咸
歸厚翼翼精衷尚執盈順考漢儀彰道廣欽崇周
典闡文明豆籩合饗豐盛脩管磬同和雅奏成爰
景融輝昭善應非烟絢采協殊禎尊升茂典光悖
史稽古鴻猷振帝紘
應制賞花釣魚

龍禁含佳氣鑿與下建章碧波微蕩漾紅萼竟芬
芳玉笋春醪滿金波晝漏長逢時空竊抃萬寓正
歡康

和御製降聖節內中道場觀瑞鶴神雀歌

秋殿霜凝當永夕靈場齋潔方無數高真諄誨昔
親聞上帝休禎今再覲鬱蔥兮卿雲仙鶴兮不羣
肅清兮來席神雀兮振翼香飄華燭亭亭風度
翠簾聲歷歷嘉應分綸寶運昌聖人功與天無極
奉和御製奉祀述懷歌

巍巍至德充綿寓翼翼宸心臨兆庶覆育懷生動
法天講求茂典皆師古協和神化踵唐堯彬蔚頌
聲踰吉甫赫奕皇威振八荒清夷王度綏中土豐
年朝野正歡康溢牒充圖福紀祥睿聖繼明恢大
業禎符錫祚降穹蒼省方展寀宣邦職登岱銘功
舉國章睢上埋牲事地漢唐故實存聞紀精靈昭
感果潛通瑞應昭臻知所自颺羽光臨神告彰洪
源肇啟仙遊暨瀨鄉舊壤闡珍詞款謁齋莊敦睿
意譙都奏牘達彤庭耆耄雲趨共歷誠順考皇儀

尊妙道再修盛節狗輿情聲明文物當興運申命
羣儒究禮經秩秩德音咸布惠穰穰景福必求成
恭虔必祠為齋久企仰真風志克勤肅奉蕭薌嘉
薦脩廣覃慶賜湛恩頻式揚丕烈心彌潔祇上鴻
名道益伸將覩虞巡陪法從幸同見藻樂昌辰

大安殿致齋

國陽崇大報王宇藻多儀敬致尊王度懷_柔祝帝
僖儲精通合漠玩志協徵夷律正風來迥宵長月
上遲漏筒聲浙瀝陞戟影流離夙戒羣倫序交歡

百慮怡星繁陳法仗雲密蔭平達傳曉鳴梢動威
容罄率祇

大安殿酌獻天書

聖運昭惟永高真協降祥方嚴奉壇祀先薦金山
章典禮官無曠涓辰筮有常中天華闢秘象袞睟
容莊宵迥星河燦風微羽衛揚獻酬靈_契接陟降
寶儀彰顧謐欽元命寅恭達上蒼彌文輝竹帛備
物儼蕭薌尊道宸心至登春雅俗康猶將奉齋潔
禋福俟穰穰

西垣致齋日因成一章呈二相公

攝事修雩祀齋居近紫庭千門夏雨歇萬樹夕陽
生更散掖垣靜風來鐘漏清巖廊慙舊德書殿愧
羣英白髮將何補丹心忽自驚敢言陪邴魏三接
奉休明

瓊林苑應制

鳳蹕出重城宸遊順物情檻花紅藥盛苑樹綠陰
成雨過池塘靜風來殿閣清樂和堯酒滿千載樂
昇平

和御製祀后土

臨晉迎清蹕靈壇備克禋薦成祠后土求福為蒸
民展義王猷遠推恩慶賜均千官陪漢祀萬國奉
虞巡仗衛明初日郊原麗上春花飛函谷路柳暗
大陽津宿麥深藏雉柔柔遠映人河流迴二陝山
勢壯三秦簫鼓聞睢上旌旗過渭濱天聲 野
兵氣懾 隣在鎬皇權洽橫汾睿藻新周南慙滯
迹空想屬車塵

迷懷

吾家嗣儒業奕世盛冠裳桂籍冠倫輩天下知聲
光有才無其命不得步玉堂余亦好古者詩禮承
餘芳赴義忘白刃奮節凌秋霜垂衣遇聖主射策
遭時昌十九中高第弱冠司國章棘寺陪法吏奉
使安殊方薄才難變俗賤節唯勤王務簡忽興念
不覺心徬徨慈親遠萬里瘴雨悲南荒端居增浩
歎離恨銷剛腸木落多異感蟬鳴非故鄉長思千
萬乘奉職昇周行步武親王陛獻納肩忠良功成
自高退散髮遊滄浪

古別意

水螢光淡曉色寒庭除索寞星河殘清樽酒盡艷
歌闋離人欲去肝腸絕露荷香散西風驚征車漸
遠聞雞鳴深閨從此泣秋扇夢魂常在遼陽城

江南春

波渺渺柳依依孤村芳草遠斜日杏花飛江南春
盡離腸斷蘋滿汀洲人未歸

追思柳渾汀洲之詠尚有遺妍因書一絕

杳杳烟波隔千里白蘋香散東風起日落汀洲一

望時愁情不斷如春水

遠恨

敗葉亂如雨暮蟬聲似哭感物悲昔心佳期悵難
續雲山雖阻歎韶華若在目深情絲綫密密空盈
幅溫瘴鴈不來遊魚隱深谷羽鱗孰可憑音書安
可復焚灰寄長風字滅魂亦逐

雜言

我徒曠達由曾臆恥學鯁生事文墨蛟龍長欲起
風雷騏驥焉能制啣勒錙金佩玉良有時丐色謏

言盡虛飾功名富貴非偶然揚子草玄徒默默楚
蘭罷足蓬蒿青松委幹多荆棘爭如一醉度流年
免使悲懽蕩情域

秋興呈裴李二同年

秋興逐涼風颭然驅煩襟人悲故鄉遠葉落空山
深楚俗傷去恨秦城稀來音何當返燕涓自樂於
園林

歲晚亂山外野望誰能同寒沙明夕照敗葉驚西
風孤烟暝汀樹霜氣高秋空徘徊念前事旅恨良

難窮

暇日遊建平三閭故里廟貌荒涼慘動耳目
噫賢者之祀世不絕享郡無正人遺棄若
是感事傷俗因留斯句

人生苦遠遊多是悲登眺况復念三閭遺踪良可
弔道直出章華才高逐邊徼冤聲噴夜江愁色迷
烟嶠斷碑沒敗莎古木吟荒廟祠正少來真岍峻
稀停棹神容漬老苔壞壁通殘照舊徑失朱門空
庭起寒燒餘基雖索寞清問長光耀旌賢誰再興

勿使過者誚

水閣晨起

板歌常晏眠偶獨起清旦月落簷鳥語烟開客舫
散長江色自澄汀樹聲空亂羣動又復然勞勞可
長歎

晚望有感

出門望寒野四顧惟椒坡憶昔楚大夫還此情如
何殘陽半明兩水落西風多因同下蔡根不覺增
悲歌

庚辰歲將命至巴東時已秋序霜荷索然偶

賦是章用遣幽恨

乘軺偶將命撫俗烟江涓地僻接窮峽務簡稀公
期秋信任無趣野懷良自宜月白夜蟬響池暗風
荷衰溪雲入破牖山菊開疎籬貫酒不能醉鄉園
空結悲徘徊獨凝望目極長天涯

成安感秋

蟬噪木葉下遠客忽驚秋凝恨悲晚候萬緒皆如
抽芳時同夢幻急景如奔流念我何為者年來生

百憂貧居負勝事壯歲傷羈遊臨民慙墨綬垂釣
思滄洲達則濟天下窮當守一丘胡能效時輩
目隨沉浮

感興

憶昔金門初射策一日聲華喧九陌少年得意出
風塵自為青雲無所隔主上掄才登桂堂神京進
秩悲殊方墨綬銅章竟何用巴雲瘴雨徒荒涼有
扼腕生憂端儒書猶飢寒丈夫意氣到如此搔首
空歌行路難

暇日

江樓晝靜春陰變日午簾空飛乳鷺帆稀客散野
岬空隱隱遙峯望中見

風氣又

郵亭落日多飛絮琵琶音重江春暮坐久凝眸欲
斷腸梅雨如煙暝村樹

南浦

春色入垂楊烟波漲南浦落日動離魂江花泣微
雨

長郊雨餘遠樹咸翠新蟬忽鳴激耳嘹唳久
客孤坐情如何哉形之於文聊以自遣

遙山夏雨歇遠樹涼風至憑欄偶聞新蟬動秋
思沙溪潔細流庭木驚疎翠節候又復然幽憂思
所萃芳歲若奔流羲光不停轡感物悼前期誰知
此時意

雪霽池上

雪霽池上亭晴光照泉石暖覺冰消靜聞簷溜
滴務簡身暫閑景幽心自適極目望南山圭峰露

微碧
金陵烟草綠
玉塞霜天白
萬里隔關山
年來斷消息

有寄
秋思

寇忠愍公詩集卷中

春日登樓懷歸

高樓聊引望
杳杳一川平
遠水無人渡
孤舟盡日橫
荒村生斷靄
深樹語流鶯
舊業通清渭
沈思忽自驚

秋思

秋氣動天地
恍然情未窮
故園應墜葉
昨夜又西風
白草侵危堞
寒濤接遠空
搢頤當此景
無語夕陽中

再歸秦川

阮路何方盡西歸興未勞
河流經陝狹山色入秦
高返照明秋壘孤村接暮濤
還如丁令至故里滿
蓬蒿

秋夜獨書勉詩友

西風驚萬木危坐思悠哉
故國經年別秋鴻半夜
來人應多棄善天豈不憐才
休學嚴夫子荒涼老
釣臺

長安書事

一從洛邑移秦甸三見東郊綻蚤梅
蓮府晝閑鈴閣閉柳營春暖射堂開
齋壇首冠慙諸將相印兼營接上台
何事燕公輕仗鉞却言分閫是粗才

重陽登高偶作

務閑留上客佳節值重陽
旨酒浮仙菊清歌遶畫
梁高城明落日踈樹覺微霜
且盡登臨興餘歡尚
未忘

塞上

春風千里動榆塞雪方休
晚角數聲起交河水未

流征人臨迥磧歸雁別滄洲我欲思投筆期封定
遠侯

寓居有懷 時年十四歲

踈林頻落葉孤僻繼離騷獨坐聞鴻遠閑吟見月
高夢回更自永思苦夜何勞寂寂西郊內披衣聽
海濤

重到進公院

五年重到支公院物態人情盡不同唯有寒檉暗
秋色依然蟬噪夕陽中

野步

幽景恣追尋遲遲傍柳陰靜思非世務孤立是閑
心村迥遙峰出溪明返照侵片沙招野步白鷺伴
高吟積雨迴塘漲微晴疊翠深春鳩鳴古寺烟草
入平林迸笋行無定飛花勢不禁凝然客亭上鄉
思獨沈沈

秋日原上

蕭蕭古原上景物感離腸遠嶠收殘雨寒林帶夕
陽溪聲迷竹韻野色混秋光吟罷還西望平沙起

雁行

江上晚望懷所知

遲遲迷遠信，閑立大江隅。
遊子在何處，秋風吹五湖。
潮迴沙鳥聚，岸濶釣舡孤。
歸去還堪歎，田園半已蕪。

秦中感懷寄江上知己

念子隔江海，浩然時已秋。
蟬鳴閨外樹，人在水邊樓。
髮白猶搜句，時清尚旅遊。
遙思當永夜，不寐向孤舟。

水村即事

虛齋臨遠水，吟釣度朝晡。
葦岸秋聲合，莎亭鶴影孤。
片雲蔽疊巘，楚燒起寒蕪。
獨步時吟望，離人隔五湖。

莫秋感興

苒苒前期遠，窮途一可傷。
有時聞落葉，不語立殘陽。
塞草秋先白，溪沙晚更光。
那堪望天末，燕雁又成行。

秋夜感興寄吳順之

耿耿不成寐楚鄉經暮秋故人遙海嶠寒月滿江樓
閉戶生蒼蘚安閑到白頭如何太平日獨不出汀洲

夜坐有懷寄張士遊

一作遜

清秋吟更僻况復古亭間少夢虫聲碎無風樹影閑
月華澄曲沼霜氣滿空山不見張夫子誰人共往還

送人下第歸吳

鶯老計還失負書歸故鄉杏園無近路澤國有高

堂白鳥迷幽浦寒猿叫夕陽離懷休墮淚春草正茫茫

秋訪江上友生所居

苔石半寥落坐來生遠愁故人應罷釣寒葉自驚秋
村隔平沙暝江和暮靄流徘徊不能去此處有扁舟

冬夜旅思

年少嗟羈旅烟霄未盡能江樓千里月雪屋一龕燈
遠信憑邊雁孤吟寄嶽僧爐灰愁擁坐硯水半

第八行 未進當是進未
之誤

成冰

貽趙少府

夫君何感命十載困風塵薄宦須流落孤吟更苦
辛山寒泉易凍邊近草難春珍重常招隱慙非孟
子鄰

春日懷張曙

時年十六歲

不見張夫子巖花幾度新久閑空賦命遠別更傷
春雨艇愁天末烟蓑隱渭濱應嗟年未冠已作異
鄉人

初夏雨中

綠樹深陰暗井桐雜英當砌墜踈紅重門寂寂經
初夏盡日垂簾細雨中

感興寄蓮嶽一二詩禪友

西風傷遠別前計竟成非芳草此時莫故山何日
歸禪應同雅道貧合長天機翻憶雲溪伴無慘對
落暉

贈隱士

夫子才名重貧居志未勞吟當寒夜苦閑道白頭

高心地通禪寂田園近海濤不知千載後誰更續
離騷

湖上作

極目望南浦望中生遠思雁沈芳草渡燒斷夕陽
陂歲月寒萍梗江山念別離猶餘清夜夢暫與白
雲期

有懷

秦川春婉晚漢水路迢遙不待凭危檻離魂已暗
銷

送李生歸秦中

酒闌還執手之子擬歸秦風雪過殘歲山川近早
春久遊詩思苦遠別柳條新後會知何日空餘淚
滿巾

書懷寄韋山人

萬事不閑慮孤吟役此生風騷中旨趣山水裏心
情衆木彫寒色空江噴莫聲終期謁君子同遠綠
苔行

閑夜圍碁作

歸山終未遂折柱復何時且共江人約松軒雪夜
棊

紙鳶

碧落秋方靜騰空力尚微清風如可託終共白雲
飛

春雨

散亂縈花塢空濛暗柳堤望迴腸已斷何處更鶯
啼

夜坐懷故友

西風起窮巷衆木又彫零蕙浦月華白竹窓燈影
青故人難重見鄰笛不堪聽行傍秋池上孤吟對
遠星

南陽市上各賦玉蝴蝶花一絕

堪賞東君造化奇裝成蝴蝶滿纖枝粉融輕翅攢
香蘂疑是尋芳未去時

鄴北旅中懷友人

浮世多塵事悠悠難定期夢闌懷遠夜秋盡望鄉
時道在應無悶風澆自業詩何當窮釣渚搘肘一

沈思

弔任瓘處士

一生長抱恨終亦是貧居遺信留孤鶴塋墳賣古
書竹齋無俗物秋圃有寒蔬福善何言昧悠然望
太虛

秋懷

落日留不住默然空淚零敗莎侵陋巷踈葉滿閑
庭有趣窮風雅無機敵杳冥浮榮安足戀歸去亂
山青

送友生下第南歸

頻頻退禮闈此去欲忘機霄漢貧難達江湖老獨
歸程遙秋浪疊村暝夜燈微應使為儒者翻悲苦
業非

邊城春望

獨望原西路離襟倍黯然青山遮故國絕塞度新
年風聚沙迷岸烟開燒滿川歸心正無際驃騎莫
留連

草

獨步高原上依依動所思無人尋蕙徑落日滿江
湄楚澤晴芳處秦川晚翠時此中興廢事千古復
誰知

送左眉川之任

分官離法署承命守眉州山館隣孤寺春城過亂
流江雲長映日蜀魄似悲秋到郡揚清政遺黎病
必瘳

楚江夜懷

西風生遠水蕭颯度吟臺明月夜還滿故人秋未

來寒蛩啼暗壁敗葉下蒼苔誰念空江外年年首
重迴

春日書懷

曾讀前書笑古今恥隨流俗信浮沈終期直道扶
元化敢為虛名役片心默坐野禽啼晝景閉門官
柳長春陰世間事了須先退不待霜毛漸滿簪

離京日作

離歌豈忍樽前聽別恨無由醉裏消余久不飲酒
故有是句
惟有夢魂歸北闕不知京洛路迢遙

夜泊江上

歲莫峽中村維舟古樹根羣峰初落日夜後獨聞
猿流水自無盡客愁那可論平明離楚岸迢遞指
吳門

新蟬

寂寂宮槐雨乍晴高枝微帶夕陽明臨風忽起悲
秋思獨聽新蟬第一聲

寄獻廣南因許虞部

南國江山五十州星郎從此播芳猷詩窮雅道皆

清唱官重名曹未白頭望斷蠻村烟樹遠吟殘嶺
月海風秋三年政滿迎丹詔諫署重膺仄席求

送吉上人

新鴻并落葉正逐朔風飛此地仍分首何山是所
歸問程雲棧遠宿館雨燈微莫恨天涯別重尋志
未違

秋夕書懷

官路時風漸識情一悲前計遠愁生深秋寒氣侵
燈影半夜踈林起雨聲縣印終年拘吏役烟蓑何

日避浮名窮通休問巢蓮骨大抵無徒是至清

春郊閑望

風騷高處謝知音公退何妨縱野吟弱柳不能牽
別恨片雲應念識閑心沙平古岸春潮急門掩殘
陽莫草深凝望江皋動幽興教聲鐘磬出西林

雨中書事

一雨起前浦霏微向暮秋誰方眠釣艇我獨在江
樓山晦峯^巖隱烟凝島嶼幽何當見晴旭一得泛
廻舟

夜懷寄友生

遙夜獨無趣恍然思故交泉聲飛石壁星影動林
梢志壯難低俗情閑任獻嘲秋山雖入望猶不似
衡茅

秋夜懷歸

背窓寒燭影沈沈楚客鄉思欲不禁板閣漏殘人
自遠水螢光淡夜方深牢愁聞雨眠踈屋歸夢隨
雲徹故林憶着烟村舊風景柿紅時節又鳴砧

夏夜閑書

雨濛村落野梅黃茅閣長吟水氣涼幽鳥遠聲來
獨樹小荷踈影占前塘閑心終不忘魚釣澹分真
宜習老莊報國自知無世用烟蓑何日卧清漳

秋興浩然追憶館殿幽致偶成長句寄徐休

學士

輶車南去詠江天閑億羣賢倍黯然御水莎青孤
立鷺宮槐烟冷數聲蟬石渠吏散簾風靜鳳闌雲
歸霽景鮮幽致不知何日共思君惟賦帝京篇

宿江西寺

獨宿西林夜凝然靜擁袍巫雲秋暝峽楚月冷生
濤莎敗蛩猶噪鄉遙夢亦勞霜風開落葉還欲續
離騷

聞杜宇

曾為深窵無處雪長年江上哭青春平林雨歇殘
陽後愁殺天涯去國人

巴東寒食

春雨蕭蕭寒食天遠行猶在楚江邊人思故國迷
殘照鳥隔深花語斷烟薄宦未能酬壯節良時空

自感流年因循未學陶潛興長見孤雲倍黯然

春晚書事

春盡江天景寂寥思鄉還共楚雲遙林花經雨香
猶在堤柳無風絮自飄水國獨慚臨縣邑烟郊爭
合負漁樵青梅時節遲歸計且逐餘芳殢酒瓢

月夜懷故人

清夜月初滿蘚庭吟更幽梧桐踈影老蟋蟀亂聲
秋舊國情何極空江思欲流故人今底處危坐獨
凝愁

和趙瀆監丞贈隱士

不愛簪裾陪盛列終年深隱養天機靜聞風雨眠
漁艇閑稱林泉掛道衣門接水村多埜色鶴當莎
徑立殘暉高吟幽賞無羈束始覺趨時事已非

雨夜書事

離人聽積雨滴滴動鄉心故國程猶遠重門夜正
深氣昏濛燼燭巢冷語棲禽遙想江南地餘花委
故林

歸州留別傅君

楊柳如絲拂畫橋此中留語欲魂消
還愁別後巴東館獨聽空江半夜潮

秋晚閑書

吟情自覺都無趣况復離居感物華
厭讀羣書尋楚徑閑收落葉煮山茶
燒殘寒菊花猶在霜過香橙味轉加
因想前期重搔首不堪秋思極長沙

聞笛

伊平野人歸後孤城日落時
西風聞一笛惆悵憶柏

縣齋春書十二韻

縣幽無俗事公退只高吟
江到荆門濶山連蜀國深
峽雲長映日蠻雨易成霖
羣鵲鳴春院饑猿叫夜岑
庭荒多古木地僻見沙禽
印鏤殘陽後人歸疊翠陰
思鄉空索寞素分信浮沈
樂靜稀塵累甘閑負壯心
衰容常懶櫛病髮豈勝簪
寡欲慵求友防邪每自箴
澆風終耻合前事固難堪
望斷天涯外離魂欲不禁

余頃從穰下移涖河陽泊出中書復領分陝

惟茲二鎮俯接洛都皆山河襟帶之地也每
凭高極望思以詩句狀其物景久而方成四
絕句書于河上亭壁

堤草惹烟連楚綠岸花經雨壓枝紅年來多病辜
春醉惆悵河橋酒旆風

蟬鳴日正樹陰濃避暑行吟獨杖筇却愛楚雲無
定處水邊容易聳奇峯

岸濶檣稀波渺茫獨凭危檻思何長蕭蕭遠樹踈
林外一半秋山帶夕陽

莫天寥落凍雲垂一望危亭欲下遲臨水數村誰
畫得淺山寒雪未銷時

秋夜懷洛下一上人

遊宦忘機久心源亦自澄夜聽吳苑雨秋憶洛城
僧木葉驚栖鳥寒窻暗靜燈何時過竹院一得問
三乘

題花

繁華昨夜香苞裂露裊風吹照楚堤能與離人添
悵望一時留與子規啼

春望書事

因晴每日向吟臺縱目山城景象開白鳥靜投沙
浦去落花閑逐楚泉來客情已被雲烟染春色難
甘蜀魄催看即流芳無處問但將餘興滯黃醅

秋日懷友生

寂寂感離羣前期何足云人從秦嶺別蟬向楚江
聞村遠孤烟起山空白日曛更逢疎葉落愁緒轉
紛紛

春初夜書

水國淹留歲月空雲山東去阻千重欲令遙夜春
愁薄須賴黃醅臘酒濃南浦有潮春柵鏤西窓無
睡怯巖鐘誰家幾點畬田火疑是殘星掛遠峰

江上

古岸蕭蕭間去雁平蕪杳杳更斜暉空江極目望
不盡楓葉半紅人未歸

夜望

南亭閑坐欲忘機望久前村島嶼微數點寒燈起
烟浪江艇應見夜漁歸

送友

客亭殘照裏歌闌獨南行
芳草無斷色離人多別
情遠途方極目長笛更飛聲
莫動鄉關念徒令白
髮生

早春

溪水覺暖微函碧山杏經春半吐紅
不向此時拚一醉到頭無計奈春風

寄漳川隱士

志高長說恥鳧趨歲晏園林戀隱居
陋巷自甘棲

短褐侯門終不曳長裾夜吟雪屋冥搜句
春結烟簑老釣漁為我紅塵偶為吏
近來還寄絕交書

又

慵趨大厦戀山薇立志猶來與世違
溪上有時逢靜釣雪中畏日掩閑扉
自知天爵高人爵不愛朝衣換布衣
我逐浮名任飄泊清泉難得共忘機

題巴東寺

寺在啼猿外門開古澗涯山深微有
徑樹老半無枝望遠雲長暝談空日
漸移恐朝金馬去還失白

蓮期

贈隱士

夫子住東楚經年不到城
愛吟無俗趣貪靜得閑
名荒徑侵山影虛堂出燕聲
我慚為俗吏泉石負
幽情

南亭晨望寄唐知郡

夢覺偶晨起南軒還獨過
曉光生遠樹露氣冷踈
荷窻白遊塵少風清靜興多
遙知江郡守幽趣在
烟波

殘月

半夜沈清影宵殘猶半吟
已甘垂樹杪由得掛天
心淡色迷蓬戶餘光映宿禽
誰家傷早別凝思共
沈沈

無辭又

光隨春漏細影共夕烟流
若近明河沒還疑墜玉
鈎

巴東有感

長歲天涯悲斷梗逢春無處不傷情
那堪日落紅

樓伴更聽蕭蕭杜宇聲

首夏書事

窓戶經初雨風清楚景饒
閑庭猶戲蝶高樹已鳴蜩
世態貧中覺鄉思醉裏銷
縱吟還獨步時復過溪橋

和李逢同年水閣閑望

務簡凭危檻凝然感物華
孤村經楚燒極浦見漁家
灘急舟難度山高日易斜
明時如道在馬復痛懷沙

塞上秋懷

未識窮邊苦今遊信有之
秋林殘照後閑路獨行時
磧迥風長急天寒雁度遲
離心已無賴更聽戍樓聲

送人歸吳

忽憶湖山景沿流興不窮
孤舟將去夜絕塞已來鴻
白髮前期近滄洲舊業空
明時方道在莫更學漁翁

秋日

江天物候潛哀變氣爽初疑夏景餘雨漬亂苔侵
古壁風飄紅葉滿荒渠晚雲連嶽幽巖寺秋水澄
江靜見魚昔歲一鳴無所恨綠槐金藥任蕭疎

寄贈笠澤處士

笠澤漁人高節竒白頭猶自着蓑衣吟過竹院僧
留宿釣罷烟江鶴伴歸花落砌邊春雨歇酒醒林
際夕陽微中朝名士皆知已多說東來信亦稀

柳

曉帶輕烟間杏花晚凝深翠拂平沙長條別有風

流處密映錢塘蘇小家

喜吉上人至

鄴北至夔城三千里外程勞尋苦吟伴獨入亂山
行楚水秋無際巴猿夜有聲逢師不能寐因話故
鄉情

早秋二絕

年光苒苒暗推移坐惜流年感舊期獨聽早蟬秋
色裏潘安初見二毛時

一聽早蟬響坐悲芳歲闌新秋空索寞前事但心

酸

秋日武關道中

行塵漠漠起西風來徃征軒似轉蓬
駐馬幾多愁思苦亂蟬哀柳武關中

早春

日暖經冰泮潛回律管春初驚柳色
重漸見草芽新罇酒留歡少雲溪入夢
頻惟應五侯地行樂及芳辰

書山館壁 時年十九

秋作西南使千林覆去程四時無日影
終夜有猿聲路入溪雲過人穿鳥道行
不堪孤驛望風雨動鄉情

送趙主簿之任惠安

蕭蕭征騎立長亭遙指天涯萬里程
尊酒欲闌人欲別夕陽絲管盡離聲

秋氣凜然庭木將墜道謙上人
有南征之役

賦詩祖行

洪府多佳致師今欲此行寒山連楚遠
白浪浸吳

平烟雨經秋迥霜鴻入夜鳴到時春未莫閑聽鷓
鴒聲

酒醒

勝遊歡宴是良圖何必淒淒獨向隅深院酒醒春
日晚只聞芳樹語提壺

南陽春日

水滿池塘花遶城日斜南陌暖風輕千門柳色春
烟淡獨倚高樓聞莫鶯

春日長安故苑有懷

唐室空城有舊基荒涼長使後人悲遙村日暖花
空發廢苑春深柳自垂事著簡編猶可念景隨陵
谷更何疑入梁朝士無在誰向秋風詠黍離

送人遊邊

遠行當歲莫冰雪路難分足馬陽關外邊聲落日
聞

惜花

深謝暖風傳馥郁長憂夜雨暗摧殘黃昏欲放笙
歌散更遶竹欄子細看

微涼

高桐深密間幽篁乳燕聲稀夏日長
獨坐水亭風滿袖世間清景是微涼

帝城秋望

登臨秋向盡千里見王畿
過雨山逾翠經霜菊漸稀
平原夕靄起高樹宿禽歸
一望閼河道空令詠式微

禁中偶書所懷呈內翰同年同院二學士

朝回內省中默坐對西風
秋色澄寒沼朝陽上古

桐龍墀慚近侍魚浦憶踈蓬
會待酬恩了烟蓑伴釣翁

新秋

孤吟遶桐砌時節又西風
悵望新秋在歡娛往事空
柳條微減翠蓼穗已飄紅
正是多傷感仍將別恨中

春晝

年長追遊興漸凋况兼巴峽景
蕭蕭閑齋為謝楊花到時
拂殘書慰寂寥

鬼志公詩集卷中
三
鈔校書籍
秋日晚晴池上作

雨歇南山積翠明
淡雲消盡遠天晴
漪漣不動秋塘靜
獨拄寒筇遶岸行

夏日

離心杳杳思遲遲
深院無人柳自垂
日莫長廊聞燕語
輕寒微雨麥秋時

留題郡樓

千里関河一望間
登臨長到夕陽還
欲驅征旆歸朝去
更倚高樓看莫山

青州西樓雨中閑望

海上秋添寂莫情
萬家烟樹暝重城
蕭蕭細雨遙天莫
獨向空樓聞笛聲

中書秋日有懷青社舊遊因書一首

掖垣秋色生鷄樹
忽憶青丘感舊情
曾倚西樓吟莫雨
數峯寒碧遶高城

贈寶上人

重城蕭寺雖留滯
楚鶴由来性本閑
寒磬終宵鳴竹院
虛窓盡日對秋山
旋移怪石資吟賞
應有孤

雲共往還自笑紅塵成底事幽期長是負松間
重九雨夜許氏第會宿各賦四韻

雨夜銷煩暑林塘向夕幽庭虛惟欠月樹冷欲生
秋河北嗟新別尊前念舊遊若非逢聖會何以解
離憂

水閣夜望書懷

水閣中宵動寥廓起遠思秋風生折葦星彩動寒
池白社孤前約青雲少舊知苦吟空自歎風雅道
由哀

離京作

致君才業本無能戀闕情懷老不勝欲過龍津重
回首腫朧初日上觚稜

洛陽道中感懷

天陞初辭起尺顏恩深猶綴補臣班漢庭舊友凋
零盡獨擁雙旌入武關

初到長安書懷

薦承丹詔撫彫殘適值年豐萬井安舊職尚兼黃
閣貴前驅新擁碧油寒靜憐風竹經宵聽老愛山

雲盡日看魂夢不知關塞外有時猶得到金鑾

遊花巖寺

寺對南山積翠濃水村鷗鷺下遙空層樓望盡樊
川景恨不凭欄烟雨中

寄京兆向相公

敏中

九萬鵬霄振翼時與君同折月中枝試思淳化持
衡者得到如今更有誰

和向相公見寄

玉殿登科四十年當時交友盡英賢歲寒唯有君

兼我頭白猶持將相權

送轉運梅學士

詢巡邊郡四首

間
悵飲惜離羣窮邊去路分雪深山館夜孤雁背燈

絕塞程方遠窮陰歲欲殘石城歸夢斷隴月照人
寒

水遠沈來信山長疊去愁夜深闌月白休凭驛邊
樓

夙駕巡邊徼歸程隔亂山長安花木麗春苑待君

還

春晝偶書

白晝偶成芳草夢起來幽興有誰知
風簾不動黃鸝語坐見庭花日影移

秋夜懷歸

渭水苔磯阻舊遊夢回空館却凝愁
一聲江笛巴雲暝半夜山風楚樹秋
星落古池孤影動燈搖踈壁冷光幽
遲明不寐空搔首蹤跡何由得狎鷗

憶洛陽

金谷春來柳自黃曉烟晴日映宮牆
不堪花下聽歌處却向長安憶洛陽
古歌云金谷園中柳春來似舞腰
那堪風景好獨上洛陽橋

長安春望感懷

灞岸春波遠秦川暮雨微
凭高正愁絕烟樹更斜暉

春晝

午晝花陰靜春風數蝶飛
坐來生遠思深院燕初歸

岐下秋書

碧樹微涼露氣清
感愁懷舊獨含情
西樓月夜明如水
只欠桓伊一笛聲

憶岐下小池

長憶西園清夜景
酒闌無不獨臨池
可憐隴月三更白
誰見紅蕖露滴時

岐下西園秋日書事

務簡羣吏散披襟
幽興長松筠經晚節
蘭菊有清香水淨
澄秋色山高見夕陽
身閑心自泰何必濯

滄浪

秋懷

輕雲不動日微陰
高樹無風秋色深
獨聽莫蟬臨水坐
十年林壑阻歸心

秋

自古名高衆毀歸
只應身退是知機
林風驚斷西窓夢
一夜秋聲憶翠微

冬日北齋

寒風颯颯響庭槐
愛日明窓坐北齋
閑憶故山歸

未得舊遊時展認雲崖

秋齋

霽景有誰同遠望秋懷無柰只悲歌雲收遠嶠凝
嵐翠雨歇空庭敗葉多

洛陽有懷岐山舊遊

綠鬢年來已漸彫舊遊芳草路迢迢山橫遠翠疑
歌黛柳拂輕梢認舞腰秦甸夢回空有恨洛城吟
斷獨無慘斜陽更上高樓望始覺離情一倍饒

憶岐下舊遊

二年岐下假諸侯事簡民安選勝遊花寺水村時
駐馬莫天秋雪獨登樓靜眠鈴閣聞羌笛閑酌松
醪引越甌別後幾回空有恨葉飛蟬噪動離愁

無題

金甲珠襦鏢繡扃杜城殘月葬娥英春風侯館花
如雪空有鶯傳度曲聲

秋日登後樓

遠山重叠故關遙公退乘閑上麗譙今日登臨秋
思苦雨荷風葉共蕭蕭

早春

星紀周天運微陽氣候新郊原初度臘梅柳暗驚
春故國無書久孤峰入夢頻年加自多感况復送
歸人

南陽夏日

綠楊陰密覆回廊深院簾垂晝景長人靜獨聞幽
鳥語風來時有異花香世間寵辱皆嘗遍身外聲
名豈足量閑讀南華真味理片心惟有許蒙莊

夏日有懷

庭樹陰陰夏景遲閑房愁對莫簾垂因思往歲陪
天仗正是瑤池賜宴時

途中作

秋末楚雲端行侵苔蘚斑愁腸不厭酒病眼豈逢
山遠路有時到宦遊無處閑却思清渭北烟柳掩
柴關

喜吉上人至

喜師來訪我幽會興何長清論都無倦鄉愁頓欲
忘疎林秋色莫虛閣水風涼久坐慵言別微陽下

短牆

書黃山館壁

殘日住孤館遲遲行古臺大河連楚去白鳥背城
來離恨渾如結鄉心慚欲灰山花半窳落猶在社
前開

巴東驛秋日晚望

楚驛獨閑望山村秋莫天數峯橫夕照一笛起江
船遣恨須言命冥心漸學禪遲遲未回首深谷暗
寒烟

掩卷

掩卷頻秋望無人共展眉殘陽留古樹白鳥下寒
池簪組心還倦風騷志未衰登臨一長嘆還失渭
川期

巴東書事

鄉思終日有孤淡厭琴樽衆木侵山徑寒江逼縣
門浪沈灘見脊雨過壁生痕憔悴悲蘭蕙因思楚
屈原

池上秋書

虛齋獨語復書空，閑對林塘思少同。
霜葉聲乾飄夕照，露荷香冷泣秋風。
時平偶作青衫吏，心老渾如白髮翁。
昨夜渭川歸好夢，一舸烟雨打孤篷。

書懷寄郝監軍

索居終日學忘機，深嘆高堂養獨遲。
自向江村紆墨綬，何當烟浦坐漁磯。
夢回渭水秦雲斷，望盡巴山蜀魄飛。
好怪多才郝夫子，道孤俱未及輕肥。

南平驛

心隨流水還鄉國，身向青山上屈盤。
秋夢不成秋

雨細西風一夜客，亭寒

悶書

秋憶故鄉魂欲斷，晚臨寒浦思如流。
歸來古屋寒燈暗，能較騷人幾處愁。

秋寄江上吟僧

掛錫在荆楚，杜門無往還。
潮聲到孤寺，月色遍前山。
一雁驚幽思，西風慘病顏。
何當重携手，高步白雲間。

江上晚望

寒鐘來極浦古寺隔重巖斜日搭頤坐天涯落月帆

金陵懷古

極目望吳甸楚烟凝亂流夜來榆塞雁叫斷石城秋
舊苑荒餘草平川半古丘遲遲獨回首落日一
蟬幽

莫春感事

春至又春莫閑心成古心花光隨雨薄草色共烟
深粉蝶稀狂影黃鸝送好音餘芳留不得還共夕

陽沈

秋興

窮秋九月西風高踈林木落聲蕭騷出門長望無
所適唯見空江生莫濤

春日閑望有感

水鄉春氣變新正風物光榮異帝城閑步偶尋芳
草色空林獨聽楚鶯聲烟霞未得從幽興吟賞潛
悲減舊情燕麥楊花自搖蕩不知離客困南征

江上聞鷓鴣

水村烟樹與雲平，閑倚孤舟念遠行。
無柰鄉心倍寥落，殘陽中有鷓鴣聲。

醉題

榴花滿瓮撥寒醅，痛飲能令百恨開。
大抵天真有高趣，騰騰須入醉鄉來。

和趙監丞春江送別

孤舟東去水烟微，久客那堪更送歸。
三月江頭春盡日，片帆輕絮共紛飛。

送李生二絕句

愛君白髮無羈束，命駕常為千里遊。
一夜春江又回棹，當時風雨滿汀洲。

晴色半和行色遠，江頭別來欲何之。
數盃酒盡又南去，正是落花春莫時。

與詩友會宿

此夕南軒宿論詩，萬慮忘苦吟秋信。
近寂坐漏聲長，空靜燈光暗桐疎。
露氣涼幽懷聊自遣，山色漸蒼蒼。

南冠亭秋晚閑望

南冠亭外淡江天久客登臨更浩然
遠浦秋深翻白浪孤山日莫起蒼烟
已嗟異國逢哀節况復西風聽亂蟬
倦鳥知還雖有意故林無柰隔秦川

峽中春感

二年窮峽外不見帝城春
覽照知年老逢花感恨頻
浮榮何足貴幽別轉難伸
終憶歸清渭林泉下舊鄰

東歸再經峽口

復命經三峽波瀾極目愁
片雲生斷壁孤石礙中

流道路連巴塞風烟接楚丘
重来登望處因念昔年遊

江上晚行

秦川不得却歸耕奉詔年來在楚城
孤寺殘鐘催夕照汀洲踈葦送秋聲
西風獨起湖山思久客應知寂寞情
楚鶴慚無驚弋意對人孤立水烟平

初秋即事

古邑端居夏景移炎飈經雨自收威
蓮衰小渚秋光淡蟬噪平林夕照微
冷句每招江客和深心終

約嶽雲歸晚涼却近南亭立獨看沙鷗向浦飛

蓮

數柄踈荷出小池幽香深謝好風吹曉來秋氣凝
清露似學湘妃怨九嶷

望都雨夜

孤驛蕭條風雨夜夜深窻竹動秋聲離魂無睡難
成夢却遠長廊獨自行

成安秋望

八月西風蟬噪時蕭蕭踈葉已辭枝烟村景物都

無賴况是登臨有所思

夏日晚涼

微涼天氣似秋期風觸踈簾影自移遠夢有時尋
水寺孤吟終日對莎池笋梢成翠堆輕籜梅實翻
黃壓嫩枝兀兀騰騰聊自遣此懷深謝老僧知

輦下書懷

身名長似夢家計盡蕭然旅宦遊梁苑歸心滿渭
川郊原秋變色桑柘晚生烟願得長閑去何妨老
一廛

冬日偶書

戶庭初過雪鳥雀亦聲稀
天淡雲容結林寒日影微
虛名何足道前是旋成非
簪紱全忘念終須掃澗扉

巴東縣齋秋書

訟庭終日靜琴鶴亦長閑
晚樹生涼吹秋思在遠山
水穿吟閣過苔遶印床斑
幸有江雲看何須卜往還

江行書事

孤棹沿流岸凝懷似舊遊
朝雲生嶽頂斜月動江流
賤節難干世離心易感秋
因思六朝事千古有遺愁

月夜懷杜陵友生

一忝輶車命三逢水國春
重看漢浦月獨憶杜陵人
旅宦違前計歸田失舊鄰
年來更多緒清淚滿衣巾

贈僧

重城須久住塵事日全無
落葉驚秋信思山展舊

圖貌同仙鶴瘦心似片雲孤念我浮名在還將靜者殊

楚江有弔

悲風颯颯起長洲獨弔靈均恨莫收深岸自隨浮世變遺魂不逐大江流霜淒極浦幽蘭莫波動寒莎宿雁愁月落烟沈無處泊數聲猿叫楚山秋

秋雨懷友生

江城秋雨歇孤坐役吟身草色荒三徑蟲聲滿四隣邊鴻來已近庭葉落還頻對此空搔首無由面

故人

南亭

初夜南亭望清吟露濕衣雨餘羣籟發天淡數星稀秋氣又還至故園猶未歸虛堂愁重入燭白冷光微

贈惠政上人

惠政成安人也此詩碑在成安縣公祠西壁

寥寥長日掩松關白首忘機古寺間香燼石房終曉講葉堆莎徑憶秋山澄泉心地清無染楚鶴精神老更閑孤坐有誰同此意白雲空見渚禽還

輦下春望

獨向東門凝日望，園林無處不啼鶯。
鄉心已似楊花亂，歸路那堪荳草生。
紫陌盡應趨勝地，紅塵誰肯受閑名。
年來却羨滄洲叟，長在湖山聽浪聲。

題楊氏別墅

門巷枕江濱，疑將俗境分。
湖山晴後見，天籟靜中聞。
徑僻苔空老，林寒日漸曛。
高懷無一事，長歲似孤雲。

再到鄴下有感

漳濱勝地皆牢落，晚歲重來恨莫收。
極浦寺藏雲樹老，故人門鏢雨苔秋。
烟霄得路輸時彥，泉石忘機阻舊遊。
今日重思昔年事，放懷惟上夕陽樓。

成安秋望有懷

年加心地轉如灰，書篋經旬亦懶開。
詩句偶吟皆感事，文章無用獨傷才。
秋蟬殘韻搖疎樹，夕照寒光下古臺。
閑遶岸莎看埜水，暗流紅葉不重回。

書懷寄唐工部

不才曾忝吾君選，紫殿科名志已酬。
孤立敢言逾

素分高吟深愧預清流西風獨見江籬莫紅葉還
思苑樹秋多謝明公知賤節每貽清句緩牢愁

鄴中和崔邁著作

虛室凝愁厭夜眠長吟靜對欲涼天夢回故國人
空遠望斷重城月自圓時泰未能拋組綬性孤終
是憶林泉明朝奉詔遐方去何處烟江寄客舫
獨倚空樓畏景殘凝眸魂斷楚雲端猿聲一作好
雜江聲聽山色一作遠宜和霽色看鳥掠平蕪堪入
畫風來危檻欲生寒蕭蕭前浦歸帆靜落日長吟

且凭欄

漢上偶書

謫仙唐室遊茲郡花下聽歌醉眼迷今日漢江烟
樹靜更無人唱白銅鞮李白常有歌云落日欲沒
峴山西遊客醉歸花下迷
欄鹿門小兒齊拍手
街爭唱白銅鞮

春陵聞雁

蕭蕭疎葉下長亭雲淡秋空一雁經惟有北人偏
悵望孤城獨上倚樓聽

又

宋史忠公詩集卷中 四 鈔校書籍

危檻秋盡偶來凭
霜落秋山爽氣澄
誰道衡陽無雁過
數聲殘日下春陵
衡州有回雁峰云
雁止於衡陽不得

贈魏野處士

人間名利走塵埃
惟子高閑晦盛才
欹枕夜風喧薜荔
閉門春雨長莓苔
詩題遠岫經年得
僧戀幽軒繼日來
却恐明君徵隱逸
溪雲誰得共徘徊

寇忠愍公詩集卷中

寇忠愍公詩集卷下

荆南秋望

西風吹戶牖
猶自客荆蠻
積水浮秋漢
微陽淡遠山
蟬稀踈葉盡
雨歇片雲閑
何日忘簪紱
深居石室間

江上送別

浪疊春江遠
樹微落花風
雨共淒愁人
此際腸應斷
况是登臨更送歸

送人往嶺表

炎光君此去旅恨杳何窮海樹瘴烟黑蠻村山路
中

秋日

柳衰蟬噪寒烟淡地迥山遙莫雨收宛是昔年秋
氣味只添多病與離愁

留題洛北羅漢閣

地高閣迥宜閑望望盡雲山首懶回林下楚僧應
笑我半年旌旆四曾來

判都省懷感

昔為學士掌三銓屈指年光三十年秋兩滴堦桐
已老白頭重到倍依然余頃年手植桐樹在省有朽者

輦下春日

兩餘宮闈麗春陰三月花照上林誰倚青樓望歸
騎日斜南陌柳烟深

南宮齋宿靜思陝城東閣竹

南宮向夕景彌清風竹蕭然動遠情憶到陝城東
閣畔拂窻敲砌送寒聲

途次方城

方城舊路四曾過此度偏饒悵望多獨倚客亭思
往事南陽何異夢南柯

經郴州永興驛

昔擁雙旌在斗城今朝孤館語同名天遙秦樹無
因見極目空饒悵望情

臨海驛夏日

嶺外炎蒸當盛暑雨餘新館覺微涼
竄憐夏木清陰合時有鶯聲似故鄉

海康西館有懷

風露淒清西館靜悄然懷舊一長歎
海雲銷盡金波冷半夜無人獨凭欄

長安春日

淡淡秦雲薄似羅灞橋楊柳拂烟波
夕陽樓上山重疊未抵春愁一倍多

病中書

多病將經歲逢迎故不能書
惟看藥錄客只待醫僧壯志銷如雪
幽懷冷似冰郡齋風雨後無睡寒燈

長安春書

務閑公府都無事
騎吏前驅引馬行
雨霽晚街官柳色
日長春寺講鐘聲
雲山已有終南秀
泉石猶思洛下清
聞道曲江新水滿
欲携歌管出重城

宮詞

長門秋夜兩窓外
滴寒聲悔不先辭
輦應無別恨

柳

絲翠窳^宜經宿雨
絮飛爭忍逐香塵
簾垂獨院無人

處一樹風搖日午春

杜陵

燕有情還至花無主
亂開杜陵人不見
夜月自徘徊

左馮寺樓間望

閑思至道年中事
獨倚左馮城外樓
日斷平臯人不見
莫天無際水悠悠

偶書

往事都如夢
流年只斷魂
不堪春盡日
細雨欲黃昏

昏

途次鄧州

南陽西去見遺基
駐馬平郊遠樹微
自笑平生無所著
不如山鳥解思歸

春雨

漠漠霏霏霏着柳條
輕寒爭信杏花嬌
江南二月如烟細
誰正春愁在麗譙

感舊

長思密勿侍甘泉
丹地翱翔獨少年
重到文昌倍

惆悵秋風霜鬢共蕭然

途次三絕

秋風故關路蟬噪
日斜時有客驅征馬
茫茫天一涯

大澤荒草闊行人
心恹悽邊雲時斷續
流水自東西

沙濶戍樓迥風高邊
日清遲遲驅足馬
何處問歸程

冬日偶成

正是旅愁悲遠官况逢邊塞向殘年輪蹄影絕冬
深路鳥雀聲稀雪後天探騎經旬無使客成樓終
日有烽烟病來無復拈樽酒獨向虛窓盡日眠

九日郡公出遊郊外余方卧郡齋聽水因寄

一絕呈諸官

菊老東籬人病酒西風黃葉滿荒田不知今日登
高興何似虛堂聽水眠

春日偶書

柳畔花塘慵獨賞閉門春盡阻閑遊少年多故心

先老却被人疑似白頭

送温尚書入洛

蕭蕭紅葉馬前飛又送王孫畫錦歸却到舊遊應
悵望故溪秋蘚滿魚磯

小韓店

昔從鄴下游梁苑孤店曾經十數回歲月暗移人
事改白頭曾到小韓來

虛堂

虛堂寂寂草虫鳴欹枕難忘是舊情斜月半軒疎

樹影夜深風露更淒清

憶樊川

閑想舊遊都是夢別來秦樹又西東
高秋最憶樊川景稻穗初黃柿葉紅

東窓

徙倚東窓夜未明悄然幽館獨凝情
燈搖古壁秋虫怨露下疎林宿鶴驚
道在任從時態薄年加潛覺睡魂輕
待酬北闕君恩了歸聽冰泉落石聲

九日不飲

雲淡長空日欲斜水邊衰柳噪寒鷗
病來不飲空淒感獨遠東籬詠菊花

和人春莫

流年賦分長多感盡日長思立短亭
猶謝海棠花始發似留春色向凋零

又

昔曾過洛浦遺恨寫蒼苔
往事詩空在春深我獨來

蚤行

嚴鐘將報曙遊子已登樓
楚火時明滅殘星似有
無

寇忠愍公詩集卷下



